



Istinomjer Zastone <istinomjer@zastone.ba>

Medijski upit

info <info@bhmac.org>

Mon, Oct 11, 2021 at 10:17 AM

To: Istinomjer Zastone <istinomjer@zastone.ba>

Poštovana,

U nastavku dostavljamo traženu informaciju:

Informacija za portal Istinomjer Zastone u vezi sa procesom protivminskog djelovanja

Imajući u vidu da trenutna veličina sumnjive opasne površine na mine u BiH iznosi 936 km² u protekloj godini Bosni i Hercegovini odobren zahtjev za produženje rokova prema članu 5. Konvencije o zabrani proizvodnje, upotrebe, skladištenja i transfera protivpješadijskih mina. Revizija postojeće Strategije protivminskog djelovanja predviđena je za 2023. godinu dok je novi rok za ispunjenje obaveza prema članu 5. Konvencije Mart 2027. godine. Naglašavajući svoju punu predanost provođenju i ispunjavanju svih obaveza koje proizilaze iz potpisanih Konvencija, trenutno ne možemo prejudicirati konačan ishod imajući u vidu da isti najmanje zavisi od Centra za uklanjanje mina.

Namopinjemo da će Centar za uklanjanje mina, kao i do sada, djelovati ka ostvarenju osnovne vizije koja podrazumjeva Bosnu i Hercegovinu bez mina i eksplozivnih sredstava zaostalih iz rata u kojoj će cjelokupno stanovništvo obavljati sve neophodne životne aktivnosti bez opasnosti po vlastitu sigurnost i u kojoj će žrtve mina i eksplozivnih sredstava zaostalih iz rata biti integrisane u društvo. Istovremeno ćemo, kao i do sada, djelovati u skladu sa osnovnom misijom u pogledu razvijanja efikasnog i djelotvornog protivminskog djelovanja koji će omogućiti sigurno korištenje zemljišta i zadovoljiti potrebe ugroženih zajednica putem koordinisanih i djelotvornih zadataka za izviđanje, tehničko izviđanje i čišćenje te putem mjera upozoravanja na mine i pružanja pomoći žrtvama od mina i Eksplozivnih sredstava zaostalih iz rata (ESZR).

U smislu navedenog ostvarenja nailazimo na određene poteškoće koje su izazvane dijelom zbog nedostatka finansijski sredstva, dijelom zbog nepostojanja političke volje i podrške viših organa vlasti na nivou Bosne i Hercegovine. To u suštini podrazumjeva nedostatak zakonske regulative i neusklađenost postojećih normi sa međunarodnim zahtjevima. Napominjemo i izostanak imenovanja predstavnika Bosne i Hercegovine u upravni odbor Enhancing Human Security –ITF, organizacije koja je osnovana u srhu pružanja pomoći Bosni i Hercegovini i ostalim zemljama pogođenim ratnim sukobima temeljeći ih snažnim partnerstvima i transparentnom prikupljanju donacija u svrhu preduzimanja raznih aktivnosti protivminskog djelovanja.

Epidemiološka situacija se odrazila na sve sfere društveno ekonomskog života pa samim tim i na oblast protivminskog djelovanja. Tako su iz programa IPA 2018-2020 sredstva od 10 miliona eura, koja su bila namjenjena za podršku protivminskim aktivnostima u Bosni i Hercegovini preusmjerena na potrebe odgovora na Covid-19 i rješavanje problema migracija. Takođe, povremeno je dolazilo do određenih zastoja izazvanih pandemijom Kovid 19, dijelom zbog poštovanja epidemioloških mjera dijelom zbog angažovanja Vladinih organizacije na sprečavanju daljeg širenja zaraze.

Srdačan pozdrav,

BHMAC

[Quoted text hidden]

[info](#)

Fax:

info@bhmac.org

www.bhmac.org



Bosnia and Herzegovina Mine Action Centre
Centar za uklanjanje mina u Bosni i Hercegovini
Центар за уклањање мина у Босни и Херцеговини